

VIII.

Expresse enim et sine omni dubitatione affirmat vox diuina certo esse Deum et refutat omnes omnium gentium furores, quae vel Deum esse negarunt vel de prouidentia dubitarunt. Monstrat autem vnum verum Deum conditorem 5 coeli et terrae et conseruatorem omnium creaturarum colligentem sibi ex genere humano ecclesiam per Filium et propter eum, qui et iudex futurus est post vniuersalem resuscitationem mortuorum et reiicit ac refutat monstrosam deorum multitudinem, quam tetre ac impie finxerunt multi ethnici.

IX.

- 10 Eadem vox diuina, in qua et nos cum ecclesia catholica et orthodoxa omnium temporum reueren-[A 3v:]ter acquiescimus, ostendit hunc ipsum verum et vnum Deum esse Patrem, Filium et Spiritum sanctum. Nec appellaciones seu nomina tantum distinguit, sed re ipsa et proprietatibus distinctis haec tria in ὑφιστάμενα in una eademque diuinitate inter se discernit ac proprietates 15 monstrat duplices: quasdam internas ut gignere, nasci, procedere, alias vero externas sumptas a beneficijs erga ecclesiam.

X.

- Sic enim describit haec ὑφιστάμενα: Patrem quidem, quod non sit natus ex alio nec aliunde procedat, sed quod ab aeterno genuerit Filium imaginem 20 suam et quod a Patre et hoc ipso Filio procedat Spiritus sanctus et quod Pater una cum Filio et Spiritu sancto omnes res crearit et earum substantias sustentet. De Filio docet, quod sit integra et substantialis imago Patris, genita a Patre et quod mittatur inde usque ab initio conditae ecclesiae, ut patefaciat euangelium et quod certo tempore assumpserit humanam naturam et sit mediator, redemptor, iustificator et saluator. De Spiritu sancto affirmat, quod procedat a Patre et Filio et quod sit amor substantialis et laetitia coetera inter Patrem et Filium et quod mittatur in corda credentium, ut tales motus 25 amorem et laetitiam in Deo acquiescentem in eis accendat, qualis est ipse.

XI.

- 30 Testimonia de uno vero Deo perspicua sunt: Deut. 6: „Audi Israel: dominus Deus noster Deus unus est“⁴, Deut. 32: „Videte, quod ego sim solus et non sit aliis Deus praeter me“⁵, 4. Reg. 5: „Vere scio, quod non sit aliis Deus in uniuersa terra, nisi tu in Israel“⁶, 1. Corinth. 8: „Scimus quod nihil est ido-

⁴ Dtn 6,4.

⁵ Dtn 32,39.

⁶ II Reg 5,15.